

192

Ritus et ordo ad Clericum  
consecrandum per R. dos D. nos  
Abbatem Verdenem :-

R. D. Abbate ante altare summum in pontificalibus in sede sua sedente, aut indutus stola cum baculo pastorali stante, veniat Clericus ante eum flectens genua, examinet illum D. Abbas et perquirat ab illo intentionem suam, et instruat illum ex scripturis divinis, deinde surgens d. Abbas et stans dicat:

In nomine patris, et filij, et spiritus scij,  
Amen. Adiutorium nostrum in nomine domini? Astans vel Clericus dicat.  
Qui fecit coelum et terram.

Deinde interroget D. Abbas.

Vis et cupis ex animo tibi conferri ordinem Clericatus? Respondeat: Volo.

Vis sobrietatem, castitatem, humilitatem,



patientiam / ceterasq; virtutes amplecti?  
Volo. Vis diuinis laudibus, orationibus,  
bonis literis, et scripturis diuinis ala-  
criter incumbere. Respondeat. Volo.  
Vis doctrinam orthodoxorum Patrum,  
et ecclesie catholice hactenus pie obser-  
uatam omni conatu sequi, et ab ea nunquam  
deflectere? Respondeat. Volo.

Et dicat Clericus.

Sic me deus adiuuet, et scilicet eius Evangelia.

Deinde D. Abbas sequentem adhor-  
tationem ad astantes recitet.

Oremus dilectissimi fratres dominum nostrum  
Iesum Christum pro hoc famulo suo, N.  
qui ad deponendam coronam capitis sui  
pro eius amore, et exemplo beati Petri apostoli  
festinet, ut donet ei spiritum sanctum, qui  
habitum religionis in eo in perpetuum  
custodiat, et a mundi impedimentis, vel  
seculari desiderio cor eius defendat, ut quem  
admodum immutatur in vultu, ita



manus eius dextera virtutem perfectio-  
nis et boni operis tribuat incrementum,  
et abiecta omni cæcitate humana, spiri-  
tuales eius oculos aperiat, et lumen æter-  
næ gratiæ concedat, per eundem Christum  
dominum nostrum / Amen.

Dñe exaudi preces nostras. et clamor nŕ  
ad te veniat / **Oramus.**

Omnipotens Christe saluator, innocens  
et innocentia amator, humilis et humi-  
litatis assumptor, mansuetus et man-  
suetudinis inhabitator, qui venientibus  
ad te paruulis manus tuæ benedictione  
inponens, talium dixisti esse regnum  
coelorum. **+** benedic hunc famulum  
tuum. **D.** cuius in tuo nomine superflua  
incidimus capillorum, da ei intellectum  
cum ætatis augmento, ut te timeat, te  
intelligat, et tua mandata custodiat, et  
te auxiliante vsq; ad annos senectutis in



tuo timore persistens cum sanitate per-  
ueniat, per te saluator Iesu Christe, qui  
regnas perpetuo. Amen.

Ascende nobis domine misericordiam tuam.  
Respon: Et salutare tuum da nobis.

Oremus.

Omnipotens sempiternus deus, respice  
propitius super hunc adolescentem famulum  
tuum, quem ad ministerium ecclesiasticum  
vocare dignatus es, tribue ei tuam diui-  
nam gratiam, ac coelestium donorum fac-  
ficij participem, per Iesum Christum filium  
tuum, Amen.

Oremus:

Domine Iesu Christe, qui es caput mem-  
brarum ac corona sanctorum omnium, respice  
oramus propitius super infantiam  
huius famuli tui D. concedens eidem  
benedictionis tuae copiam, ut nominis ac  
ministerio tuo dicatur, ad perpetuam



94  
gloriam peruenire clementer concede /  
per te saluator mundi, qui uiuis et  
regnas cum deo patre in secula / Amen.

Deinde D. Abbas det ej be :  
nedictionem et dicat :

† Benedicat te Coelestis pater /  
† Custodiat te Iesus Christus /  
† Illuminet te virtus spiritus sc̄i.

omnibus diebus uita tua,  
Ascendat dñs faciem suam super te,  
et misereatur tui.

Conuertat dñs vultum suum ad te,  
et det tibi gratiam suam et pacem. /

Et accepta forcipe incipiat

D. Abbas Psalmum :

Dominij est terra. et plenitudo eius :  
orbis terrarum, et vniversi qui habitant  
in eo. Quia ipse super maria fundauit



eum; et super flumina preparauit eum.  
Quis ascendet in montem domini; aut  
quis stabit in loco sancto eius?

Innocens manibus et mundo corde:  
qui non accepit in vano animam suam:  
nec iurauit in dolo proximo suo.

Hic accipiet benedictionem a domino:  
et misericordiam a deo salutari suo.

Hec est generatio querentium eum:  
querentium faciem dei Jacob.

Attollite portas principes vestras: et  
eleuamini portae eternales: et intro:  
ibit rex gloriae.

Quis est iste rex gloriae? Dominus fortis  
et potens: Dominus potens in prelio.

Attollite portas principes vestras: et  
eleuamini portae eternales: et intro:  
ibit rex gloriae.

Quis est iste rex gloriae? Dominus  
virtutum ipse est rex gloriae. Gloria



95

Finito Psalmo, et facta ton-  
sura, dicat D. Abbas nomine

Clericj:-

Adiutor meus esto dn̄e, ne derelinquas  
me: Neque despicias me deus saluta-  
ris meus.

Spes mea dn̄e a iuuentute mea: In  
te confirmatus sum ex utero de veri-  
tate matris: tu es meus protector, a  
iuuentute mea.

Faciem tuam domine requiro: Ne  
derelinquas me dn̄e deus meus.

Una petij a domino hanc requiram:  
Ut inhabitem in domo dn̄j omnibus  
diebus vite mea.

Dremus dilectissimj.

Onnipotens coelestis pater, propi-  
ciare peccatis nostris, et ab omni huius  
seculi prauitate et leuitate hunc fa-  
mulum tuum. R. dum huius mundi



ignominiam deponit, exuere ac con-  
seruare dignare, ut tua semper gratia  
perfruatur, et sicut similitudinem  
coronae tuae in capite eum gestare feci-  
mus, sic tuam virtutem ac gratiam  
consequi mereatur in corde, Per Jesu  
Christum filium tuum. Amen.

Deinuis /

Clementissime pater coelestis, nos fa-  
muli tui peccatores humiliter depre-  
camur, ut spiritus sancti tui septempli-  
cem gratiam, nobis omnibus, et huic  
famulo tuo. D. clementer infundere  
digneris, quo tua precepta et volun-  
tatem semper sequi, et coelestem pa-  
triam perpetuo possidendam adipisci  
mereamur, Per dominum nostrum  
Jesum Christum filium tuum, qui te-  
cum vivit et regnat deus, per omnia  
secula seculorum, Amen.



96  
Tunc Dominus Abbas det  
Clerico ~~quod~~ dicens.

benedictio:  
nem

Pax tecum, et cum omnibus nobis,  
Amen, et aspergendo eum aqua bene-  
dicta, datoque signo Crucis, dimittat: ~

In fine huius Libelli  
Sequitur alia forma



Faint, illegible handwriting, possibly bleed-through from the reverse side of the page.

Ber  
h.  
er waffen  
des diß kin  
A  
dweil wir  
sint, vnn  
Draun  
gelingen  
In allen  
vnn vnn  
aller gult  
wenn